

Corrach do shuan a shaoghail

[McKenna, L.: *Aithdiogluim Dána* (Irish Texts Society, vols 37, 40, 1939/40), poem 69]

Gofraidh Fionn Ó Dálaigh cct.

1 Corrach do shuan a shaoghail,  
fuarais fios gach anbhaoghail;  
an té do dhealbh an domhan  
ós é as dearbh dod dhíothoghadh.

2 Mac Dé ler doirteadh a fhuil  
mhilleas do shuan, a shaoghail;  
lámh fan gcruinne cuirfidh  
dál tuinne fa thorchuirthibh.

3 Moisceolaidh sibh as bhar suan  
an saoghal - anba an t-amhluadh!  
caora teineadh ceatha cloch,  
deireadh an bheatha is baoghlach.

4 Ní tráth ar bhfagháil ar faille  
beag dar dtéarma tá romhainn;  
i ndóigh gomadh deireadh dhi  
neimhsheadh is cóir san chruinne.

5 Briathra Chríosa gé do-chluinim  
ní hiad as mhó mheabhruighim  
sgéala Dé [thar] an domhan;  
méala mé [dom] mearoghadh.

6 Ní tráth dhamh mo bheith ar bhaois,  
do-rinne cré dom chomhaois;  
is sia 's is sia an óige uam,  
a Dhia, ní m'óide m'amhluadh.

7 Tiofá ar ar gceann leath ar leath  
[síneadh] sa choraidh chléireach  
gabhuidh sin síodh ar ar son  
do-bhir [ghá] dhíol an deachmhadh.

8 Leigim mo dheachmhadh gan díol,  
brisim deich n-aithne an airdríogh,  
mór do-ním nar dhéanta dhamh,  
bím gan déarca do dhéanamh.

9 Cá husa a n-áireamh fa thrí  
triur 'n-a aonar an t-airdrí

rí nimhe 'n-a thrí treanaibh  
go dtí im chridhe a chreideamhain.

10 Tairgfidh mé 's is mithid damh  
mo chúis re Dia do dhéanamh;  
tuigim nach géabh greim eile  
do-ghéan le heirr m'aimseire.

11 Le rígh na ndúl a-dirim  
ar pháis Críosa mar chuimhnighim  
i ndóigh fháilte d'fhagháil damh;  
sláinte [ó] anáir [a n-iarrabh].

12 Dá gach bhroid dar himreadh ort  
táinig síol Ádhaimh d'fhurtacht;  
an talamh ar ar fhear t'fhuil  
neamh is taradh don talmhuin.

13 Ag so, a chodhnaigh naomh nimhe,  
oruibh d'iarraidh maithmhighe  
mé agus m'almsa leam im láimh;  
fearr ar n-annsa dot fhághbáil.

14 D'íoc fola re Dia dhamhsa  
- truagh gan a fhios agamsa -  
is fearr sníomh ar bhreith na mbocht,  
a ríogh ná bheith ar bhochtacht.

15 Fuair Pól i ndiaidh a ndearna  
is amhail tú, a Thighearna,  
is maith gach olc do-ní neach,  
a rí, agus tocht 'n-a thaithleach.

16 Go dtí dhíot gan m'anmhuin ann  
peacadh, a Dhé, dá ndearnam;  
gan teacht, a Choimdhe, as an gcol  
beart as doilghe ná a dhéanamh.

17 Bheith do thoil na colla criadh  
do-ghéanadh íosa d'aimhriar;  
is cogadh ort, a Dhé, dhamh  
gan mé ar mo chorp i gcogadh.

18 Is ribh as bheirthe a bhuidhe,  
a chodhnaigh gach chríosduidhe,  
córa a bhuidhe do bhreith ribh  
ná bheith do dhuine ar [díthreibh].

19 Mairg nach tuigeann i dtráth chóir

mar tá an saoghal ag seanmóir  
is cré na huile ar ndol de,  
's is [cor] an duine a-deire.

20 Gan dul d'éag ná d'aois dúinne  
is é adhbhar m'iomthnuidhe;  
do-ghéabhthaoi é a-nocht ar neamh  
ar dtocht an-é don aingeal.

21 Rem iarraidh gidh bé do bheath  
tiocfa aimsear do b'aithreach,  
uch ní hiongnadh a fagháil  
ag sruth [fhionnghlan] Órthanáin.

22 Fada ó chúiteachadh mo chean  
siobhal ['n-a] ceann ní chuireabh;  
d'eagla an aisdir is lór linn  
an Rómh d'fhaisgin i n-aisling.

23 Do-bhéara iul ar Dia dhamh  
adhradh do Mhuire mháthar,  
do-bheir sé ar mearughadh mé  
neamhumhal mé do Mhuire.

24 Beag nach ionann 's a n-éara,  
tiocfa am bhus aithmhéala;  
d'anáir ní bhí ar na bochtaibh  
ní d'fhagháil achd d'iomarcaidh.

25 Is í coigill budh fhearr air  
caitheamh conáigh an tsaoghail;  
[gan] mhaitheas ní bhia go bráth  
gidh cia chaitheas a chonách.

26 Cúis an uabhair is é a dhearbh  
rug na haingil i n-ifearn,  
ní bhí tuile nach téid as;  
tréig, a dhuine, do dhíomas.

27 Tabhair do Chríod do chridhe,  
gabh it olcaibh aithrighe,  
cuir seadh, a dhuine, sa deoir;  
neamh ní fhuighe dot aimhdheoin.

28 Go dtí dhíom mar dhleaghar  
mo cheana do chúiteaghadh;  
tugadh rosg dá ndéanaimh dhamh;  
cosg dom dhéaraibh ná dearnar.

29 Is measa dhamhsa ná dhí  
ar bhris d'abhail na haithne;  
gar fallsa amhghar Éabha  
damhsa is adhbhar aithmhéala.

30 Dá ionshamhail aca soin,  
dá theaghdhais iarsma Ádhaimh,  
'n-a hoidhche a-tá [an] treabh oile  
an lá i dteagh na trócoire.

31 Mac Muire maith dar gcabhair  
ráinig gan fhios d'ludhalaibh  
a huaigh as ar dhoiligh dul;  
an oighidh fhuair nár íocar.

32 Dia i n-uaigh dá thráth nó a trí  
do folchadh d'úir an t-airdrí;  
go dtáinig uan Mhoire a-mach  
suan a croidhe fa corrach. Corrach.